

# Ernewerung der Ordnung vnd zwberaitung ainer war-

nung/ auch ains gemainen Aufspott/ Damit vrbüß vnd jäch einfall  
auch straiß/von den veindten/im Landt verhütt vnd fürkumen  
werden/welche des verschinen Vierunddreißigsten jars/durch ain  
Ersame gemaine Landtschafft/der vier Stännnd/diz Erzherz-  
ogthumbß Osterreich außgericht vñ allenthalben im Landt vmb  
geschickt worden/wie hernach volgt.

Erstlichen soll ain yeder Landtman yetz onuerzug/ bey seinen  
vnderthanen/vnd dem gemainen Mann/ordnung geben/das die  
selben nach notdurfften/ desgleichen die herren/vnnd der Adl selbst  
gerüßt vnd bewert werden/vnd ain yeder seine vnderthanen/zeit  
lich vnd fürderlichen Mustern/vnd yeden nach seiner gelegen/vñ  
geschicklichayt/mit weeren fürsehen.

Zum andern/so von den Veindten/vrbüß einfall/straiß/vñ der  
halben die kundtschafften/vnd kreütschüß zum ersten mal bescheen/  
Sollen der Landtundermarschalh vñ die herren/auch vom Adl  
in aygen personen/sambt iren/vnd Auslennder vnderthanen/vñ  
gemainen man/aus dem vnderen Vierttl/vnnder Mänhartzperg  
von irer gangen anzahl/der vierdttayl/vnnd die aus dem Obern  
Viertl/Mänhartzperg/nach dem dieselben feer/vnd vngelegen ge-  
fessen/nur mit dem Achten taill auff sein.

Nemblich/welch negst der Thuennaw wonen/gen Chornnew-  
burg anziehen/vnd die so nägst der March vñ Pulckaw sitzen/gen  
Zisterstorff/oder wohin sie die geordennt Obrißthayt/vnd Viertl-  
hawbtleit/nach derselben guetbedunckhen/vñ notdurfft vnnder-  
richt vnnd beschaiden/thumen.

Desgleichen vnd allermassen/wie hievor bestimbt/sollen sich die  
aus den andern zwayen viertln/OB/vnd vnnder Wiener waldds  
halten/vnd darein schicken/vnd die aus dem obern Vierttl gen Tul-  
len/vnd die aus dem vnderen Vierttl/in die Newstat/oder wohin  
sie auch beschaiden werden ankhomen.

Vnnd alsdann ain Vierttl dem andern nach gelegenhayt der  
nott/vnd wie es die notdurfft erfordert/vnd in ratt gefunden wir-





det/zueziehen/vnd mit hilff erscheinen/vnnd getrewen Beistandt  
aneinander thun.

Zum dritten/wo die Lehafft so merglich/das zum andernmal  
die khundtschafften/ der glockenstraich / sambt den Kreitschüssen  
vnd kreitfewren im Lanndt durch aus angien / Sollen alsdann  
gestrackts/der Obrist Lanndtmarschalch /selbst auch/ vnd yeder  
man/sambt den Burgerschafften / der Stett vnnd Märcht/nie  
mandt aufgeschlossen/ausserhalb des halbē tayl /der Burgerschaf  
ten vnd vnnderthanen (welliche bey den Stetten/Märchten/Be  
festungen/vnd Schlössern/beleiben sollen) auff sein / vnnd an die  
vorbestimbtē ortt khumen vnd nachmals nach bemelter Obristen  
vnd Viertlhaubtleütten/Beuelch/gehorsamblich geleben.

Zum Vierdt/welcher Lanndtman /vnd Auslennder/durch die  
jren /in vorbemelter fürgenomen Ordnung/vnnd Auffpot/ Ausser  
halb der nachuolgunden ehaufften nit ankumen vnnd erscheinen  
wurden/Nemblich Herren als des Lanndfürsten geschafft/franck  
hayten/vnd der/die ire heüser vnnd Schlösser/auff dem Lanndt/  
wonen ainem die Veindt /so nahent kämen/ selbs mit seinen vnns  
derthanen /bewaren/ vnnd dabey bleiben müessten/def ain yeder  
dem Lanndtmarschalch vnnd Viertlhaubtleütten anzüzaygen  
schuldig ist/vnd dannocht alles in aines Lanndtmarschalchs/ vnd  
Viertlhaubtleütten Ratt/erkhanntnuß/vnd abfordrung/steen sol  
len/ Der soll/so vngehorsam handdt/oder aussen bleibt/zü Peen vñ  
straff/den viertten tail seines has vnd guets/zü gemainer Lanndt  
schafft handden / vnablässig / verfallen sein.

In solch Auffpot /vnd Ordnung/solle der Königlichen Maye  
stat vnnderthanen/der vrbar guetter/Phanndtschaffter/vnd kreis  
fer /auff widerkauff/ neben den Lanndtleütten/gleichmässig gezo  
gen/das solch angezaygter Lanndtleütt/Weer vnnd gemaine ret  
tung/nicht weiter/als an die Gräniz/zü behuet diz Lanndts /für  
vrbug einzug /vnd straiß/gebraucht/vnd andrer gestalt/ mit ver  
standen/noch gewent werden. Darzue sonnst annder nyembt/mit  
dem gemainen Man/im thun/vnnd zügen / als der herz Lanndt  
marschalch/desselden Vnndermarschalch/vnnd die Viertlhaubt  
leüt/so von Römischer Königlicher Mayestat zc geordent seinn/  
zügepietten/noch züschaffen haben soll.



## Unnd seinn das die Viertelhawbtleütt.

Nemblichen im Viertel ob Mänharzperg/ Herz Wolff Strein  
zum Herttstein herz zu Schwarzenaw.

Vnnder Mänharzperg/ Erasin von Schnegkhenreyt/ zw  
Praitnaych.

OB Wiener waldds/ Georg Grabner zu Rosenberg.

Vnnder Wiener waldds/ Ernreych von Khünigspurg zum  
Pernnstain.

Zum beschlus/sollen die/dabey vor die Kreidenfeur zühaltten/  
vnd zu ma.hen durch der hochgedachten Römischen Königlichē  
Mayestat zc. Offen general Mandat/verkhündt vnd verordent  
gewest/jr gedenncken mit fleyß darauff halten/damit solliche wis  
der zuegericht/vnd gemacht werden/vnd die zu zeytt der nott ver  
handen sein mügen.

Damit aber/wo ain gemain Aufspott beschehen/meniglich ain  
grünlich wissen hab/wo die kreydschüß/kreydsfeur/vnd derglei  
chen warnung/vnd verstanndt/gehalten solle werden.

Nemblich zu Püttnperg/Semering/Hainburg/Kalenperg/Pi  
senperg/Götweig/am perg bey Sizzndorff/Leyssenperg/sande  
Georgen perg/ bey Sighartz/ Rauchenmais/ bey Schröttntal/  
Pugg an der Leytta/ Valckenstain/ Krudt/ Annger/ Eysenstat/  
Scharffennegg/Günß/Vorchtenstain/Lanndtsee/Kirchslag vnd  
Pernnstain.

Actum Wienn/den Dreyzehenden tag Augusti Anno zc. Im  
Sechsenddreißigsten.



2542

Hand kein das die Kirchhospitaller

Handwritten text in a Gothic script, likely a title or header.

Handwritten text in a Gothic script, likely a title or header.

Handwritten title or section header.

Handwritten text in a Gothic script, likely a title or header.

Handwritten text in a Gothic script, likely a title or header.

Handwritten text in a Gothic script, likely a title or header.

Handwritten text in a Gothic script, likely a title or header.

Handwritten text in a Gothic script, likely a title or header.